

KAMPANJA „ORUŽJE NE ŠTITI – ORUŽJE UBIJA“ PO PROJEKTU „PILAR“

INFORMACIJA;-

Tokom mjeseca novembra i decembra 2022.godine, Uprava policije MUP-a Bosansko-podrinjskog kantona Goražde nastavila je ranije započete aktivnosti na provođenju društveno odgovorne kampanje podizanja svijesti među učenicima srednjih škola na području Bosansko-podrinjskog kantona Goražde i svih građana pod nazivom „Oružje ne štiti, oružje ubija“. Kampanja se realizuje uz podršku Razvojnog programa Ujedinjenih nacija u Bosni i Hercegovini (UNDP BIH) i Koordinacionog odbora za kontrolu malog oružja i laskog naoružanja u Bosni i Hercegovini u okviru projekta „Prevencija i smanjenja prisustva nelegalnog oružja u Bosni i Hercegovini – PILAR“, a sprovode je Ministarstva unutrašnjih poslova Republike Srpske, Kantonalna ministarstva unutrašnjih poslova i Policija Brčko Distrikta Bosne i Hercegovine.

Kampanja ima za cilja da podigne svijest kod populacije mlađih osoba i svih građana o opasnostima i posljedicama koje uzrokuje upotreba vatrenog oružja.

Ključne poruke kampanje su: „**Nesreća ne bira mjesto i vrijeme, i ne dešava se *tamo nekome i negdje drugo***“, „**Upotreba vatrenog oružja ima za posljedicu *smrt, povrede i psihološke traume***“, „**Oružje nije snaga, nego slabost, s oružjem se ne *pokazuje hrabrost, nego nemoć i strah***“.

Podaci policijskih agencija u Bosni i Hercegovini govore da su nesretni slučajevi uzrokovani vatrenim oružjem podjednako česti u svim dijelovima Bosne i Hercegovine. Zakoni o oružju u Bosni i Hercegovini prepoznaju amnestiju od sudskog procesuiranja svakog ko dobrovoljno preda oružje u nelegalnom vlasništvu, tako da se takvo oružje može dobrovoljno predati nadležnoj policijskoj agenciji u Bosni i Hercegovini ili putem telefona pozivom na 122 prijaviti posjedovanje - bez straha od sankcije.

Pozivom prema nadležnoj policijskoj agenciji bez sankcije se mogu prijaviti i vatreno oružje, municija i eksplozivne naprave odloženi na javnim mjestima ili površinama.

Projekat „PILAR“ se realizuje u okviru inicijative Mapa puta 2024 za održivu kontrolu malog oružja i laskog naoružanja na Zapadnom Balkanu koju finansiraju Savezna Republika Njemačka, Velika Britanija, Kraljevina Švedska, Republika Francuska, Kraljevina Holandija, Kraljevina Norveška i uz podršku Evropske unije.

Vrijeme provođenja kampanje u srednjim školama je podjeljeno u tri djela i to: maj-juni 2022, septembar-oktobar 2022 i mart-april 2023.godine.



Kampanja u srednjim školama je zamišljena, da se u III i IV razredima srednjih škola organizuju kratka predavanja učenicima na ovu temu, uz podjelu promotivnog materijala.

Pored aktivnosti koje su predviđene u srednjim školama, dio aktivnosti će se odnositi i na korištenje različitih medijskih alata (jambo plakata, radio jinglova, promotivnog tv materijala, podjela promotivnog materijala građanima na frekventnim ulicama i naseljima isl.).

Vrijeme provođenja opšte društvene kampanje – šire skupine građanstva, podjeljeno je u tri djela i to: juli-august 2022, novembar-decembar 2022 i april-maj 2023.godine. Policijski službenici Uprave policije nakon pružanja promotivnog materijala od strane UNDP-ia, ostvarili su saradnju sa predstavnicima Srednjih škola na području Bosansko-podrinjskog kantona Goražde, te održali po jedan čas predavanja svim završnim razredima srednjih škola i tom prilikom podjelili promotivni materijal i poklone svim učenicima i njihovim razrednim starješinama. Takođe, razrednim starješinama, dati su posteri, koji su istaknuti u svim njihovim učionicama, na kojima se nalaze poruke kampanje. Tokom predavanja i druženja sa učenicima, isti su iskazali interesovanje i aktivno učestvovali postavljajući pitanja i davajući svoje komentare na pojedina pitanja i odgovore.

Pored navedenog, Uprava policije posredstvom policijskih službenika za rad policije u zajednici, ostvarila je saradnju sa više javnih institucija i ustanova na području Bosansko-podrinjskog kantona, koji su ukratko upoznati sa predmetnom kampanjom, te je istima uručen promotivni materijal kampanje, koji će biti istaknut na ulazima u objekte institucija i ustanova.

Zavisno od organizatora kampanje UNDP-ia, službenici Uprave policije, nastavit će provođenje daljih aktivnosti predviđenih kampanjom za 2023.godinu.

